

93009



930090

S

SUPERVISOR'S USE ONLY



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

Te Hiranga 2017 Te Reo Rangatira

2.00 p.m. Rāmere 10 o te Whiringa-ā-Rangi 2017
Te wā: E toru haora
Te Tāpeke: 24

Āta tirohia kia ōrite te Tau Ākonga i te pukapuka Whakauru ki te tau o runga ake i tēnei whārangi.

E RUA ngā wāhanga ō tēnei whakamātautau. E RUA ngā Tūmahi mō ia wāhanga.

TE WĀHANGA TUATAHI: PĀNUI-TUHITUHI

TE WĀHANGA TUARUA: WHAKARONGO-KŌRERO

Whakautua ngā pātai KATOA ki ngā wāhi wātea kua whakaritea.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mehemea he tika te raupapa o ngā whārangi 2–16, mehemea hoki kāore he whārangi wātea.

ME HOATU E KOE TE PUKAPUKA NEI KI TE KAIWHAKAHAERE HEI TE MUTUNGA O TE WHAKAMĀTAUTAU.

Ngā Paearu	Ngā Māka
Tikanga	
Reo	
Kaupapa	
TE TĀPEKE	/24

TĀ TE KAIAROMATAWAI MAHI ANAKE

HE KUPU WHAKATAKI

Tēnā koe kua uru mai nei ki te whakamātautau a Te Hiranga mō tēnei tau. He whakamātautau mā te tauira e ako ana i te reo Māori, ā, e mārāma ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei, me te kaha mai o te ākonga ki te:

- tātari, te arohaehae rānei i ngā kaupapa
- whakaputa whakaaro motuhake, whakaaro kē hoki
- whakatakoto taunakitanga
- kōtuitui i ngā mōhiotanga.

Nā reira:

- āta pānuihia ngā kōrero tohutohu i mua i te mahi
- kia kaha mai ki te whakaoti i ngā pātai katoa
- me reo Māori ngā whakautu katoa
- e rima meneti ki te āta pānui i te whakamātautau katoa.

Ko te reo kia tika, ko te reo kia rere, ko te reo kia Māori.

TE WĀHANGA TUATAHI: PĀNUI – TUHITUHI

NGĀ TOHUTOHU

- TŪMAHI TUATAHI: HE PĀNUI (60 meneti): Te Ahi-a-Toroa
Panuihia te tuhinga, kātahi whakautua ngā pātai kua whakaritea.
- TŪMAHI TUARUA: HE TUHITUHI (60 meneti)
Whiriwhiringia tētahi kaupapa hei tuhinga roa māu, ā, kua e
iti iho i te **500 kupu**.

TŪMAHI TUATAHI: HE PĀNUI

Ngā tohutohu

Pānuihia te tuhinga nei:

Te Ahi-a-Toroa

Uehā , Uehā , Uehā te kawā o Rua-i-Moko-roa.

E Moko i te Pū , E moko i te Rau, E moko i te Rehe

Oi Whiwhia Oi Rawea

Tāngia te Moko Tāngia te Mana Tāngia te Mauri.

Takina te Uhi Matarei ki te Whai Ao ki te Ao Mārama

Whano Whano Haramai te toki Haumi e Hui e Taiki e!

[Redacted text block]

[Redacted text block]

[Redacted text block]

[Redacted text block]

[Redacted text block]

[Redacted text block]

Nō reira te hunga kiritea, te iwi ihupuku ki ngā āhuatanga o te Moko! Kaua e māharahara! Kaua rā koe e āwangawanga! Kimihia te tangata tika mōu, āta kōrero, āta wānanga i ngā āhuatanga pai, ngā kaupapa e tika ana mō te mau Moko. Kaua rā koe e tuku mā te hereni e whakaaweawe wō whakaaro. Ka kite koe, ka rongo koe i te wairua, i te mana, i te mauri e tika ana te rongo pēnā ko ia te kai-tā mōu.

Whakautua mai ngā pātai kua whakaritea, tēnā whakamāramahia mai tōna tikanga mai te tirohanga o te kaiwhakaputa. Whakaputaina, whakawhānuitia hoki ōu ake whakaaro.

1. “Ko te whakaheke toto, ko te haehae i te kiri, te uhi matarei ā Mataora ka werohia ana te tangata. Inā te tapu o ēnei mahi.”

2. “Ko te tā moko tētahi mea ka noho hei hoa mōu mate noa koe.”

3. “Auau te puta o te whakatauki ki te hunga whai mana ki te tutuā ki te taurekareka. ‘I tāia tō moko ki te aha?’ Maninohea te taonga a Rūaumoko te whakairohia kia wai ake, kia wai ake.”

4. “Nō reira te hunga kiritia, te iwi ihupuku ki ngā āhuatanga o te Moko!”

5. “E moko i te pu, E moko i te rau, E moko i te rehe.”

6. “He kaitaurima ki ngā mahi tā, he toka tū moana hoki ki ngā tikanga haumarū.”

7. Tēnā whakarāpopotohia te ariā o ngā kōrero kei roto i tēnei tuhinga.

TŪMAHI TUARUA: HE TUHITUHI

Ngā tohutohu

Whiriwhiria mai kia **KOTAHI** te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:

- te tika o te whakatakoto, te ūpoko, te tinana, te whakakao i ō kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, te whakapuaki whakaaro
- te whakauru mai i ngā whakataukī, whakatauākī i ngā kīwaha, i ngā rārangi waiata, haka rānei e hāngai ana ki tō kaupapa hei whakanikoniko i tāu tuhinga roa
- kia auaha te rautaki, kia Māori te wairua
- kua e iti iho i te **500 kupu**.

Anei ngā kaupapa tuhinga

1. Me mōhio rāno koe ki te kōrero Māori, katahi anō koe ka whakaaehia kia mau moko.
2. He aha te tau e tika ana kia whakaaehia koe kia mau moko?
3. He mea pai, he mea hē ke rānei te mau moko a ngā tangata rongonui pēnei i a Mike Tyson i a Ben Harper me wai atu, me wai atu?

Tuhia tāu tuhinga ōkawa mō te Tūmahi Tuarua ki konei.

Kaupapa: _____

TE WĀHANGA TUARUA: WHAKARONGO – KŌRERO

E RUA ngā tūmahi mō tēnei wāhanga:

TŪMAHI TUATORU: HE WHAKARONGO:

He whakarongo ki tētahi tautohetohe, me te tuhi hoki i ngā whakaaro matua, i ngā kīwaha me ngā whakataukī, whakatauākī, rānei hei āwhina i a koe i roto i te Tūmahi Tuawhā.

TŪMAHI TUAWHĀ: HE KŌRERO: *Pūkauae*

(a) He whakaputa kōrero whakarāpopoto i te tautohetohe.

(e) He whakaputa kōrero e whakaae ana, e whakahē ana rānei i te kaupapa o te tautohetohe.

(i) He whakamārama i tētahi kīwaha me tētahi whakataukī, whakatauākī.

TŪMAHI TUATORU: HE WHAKARONGO – *Pūkauae*.

He tautohetohe te āhua o tēnei mahi whakarongo.

Ngā tohutohu

1. Whakarongo ki te tautohetohe.
2. I a koe e whakarongo ana, whakarārangihia ngā kaupapa matua a ngā kaikōrero e rua ki roto i te māhere whakaaro kua whakaritea
3. Āta whakarongo hoki ki ngā kīwaha me ngā whakataukī roto i te tautohetohe nei, ā, tīkina kia RUA ngā kīwaha me tētahi whakataukī e mārama ana ki a koe.
4. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 15 meneti hei whakarite i āu kōrero whakaputa.
5. **Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

Nā reira, kia areare mai ō taringa, anei te kōrero.

Māhere whakaaroTĀ TE KAI-
AROMATAWAI
MAHI ANAKE

Whakaaro matua	
Taha whakaae	Taha whakahē
Ngā kīwaha	Ngā whakataukī/whakatauākī

Mā te kaiwhakahaere koe e hari ki tētahi atu rūma, hei whakamau i ō kōrero kāre e āhei te hari pepa ki roto i tēnei rūma.

Tukuna tō reo kia rere, tō reo kia tika, tō reo kia Māori.

TŪMAHI TUAWHĀ: HE KŌRERO

Ngā tohutohu

- (a) Ko tāu mahi he whakarite kōrero whakaputa, e whakarāpopoto ana i te tautohetohe.
- (e) Whakapuakina ōu ake whakaaro e whakahē ana/e whakaae ana rānei i te kaupapa o te tautohetohe nei.
- (i) Whakamāramahia mai te tikanga o ngā kīwaha e RUA i rangona i te tautohetohe.
- (o) Whakamāramahia mai te tikanga o tētahi whakataukī, whakatauākī e RUA, i rangona i te tautohetohe.
- (u) Kaua e roa ake i te RIMA meneti mō tāu kōrero whakaputa. Ki te eke ki tenei wā ka aukatihia koe e te kaiwhakahaere tēnei whakamātautau.

Nā reira, kia kaha mai te:

- whakapuaki whakaaro whānui
- whakaraupapa tika i ō whakaaro
- whakaniko mā te kīwaha, whakataukī, whakatauākī, rangahau
- whakatakoto tika, ōtira whakahua tika i ō kupu.

Te whakamau i tāu kōrero whakaputa

- (a) Ka heria koe e te kaiwhakahaere o te whakamātautau ki te rūma whakamau reo.
- (e) Kia RIMA meneti te roa mō ngā whakaritenga e pā ana ki te mīhini hopu reo.
- (i) Mutu ana tō whakamau i āu kōrero ki te mīhini hopu kōrero, me waitohu e koe te kopae hei whakaatu nōu te reo kei runga.
- (o) Kua oti ngā mahi katoa.
- (u) He whakaputa kōrero whakarāpopoto mō te tautohetohe. Kia maumahara, kei a koe te 15 meneti noa iho ki te whakarite.

**He whārangi tāpiri tēnei hei whakaoti i ō whakautu mēnā e hiahia ana.
Āta tuhia te tau o te pātai.**

TAU PĀTAI

TĀ TE KAI-
AROMATAWAI
MAHI ANAKE